



## جدوال قمبراچان خطبه جمعة

Siri 3/ 2023

(Bulan Mac Tahun 2023)

| ب  | تاجوق                             | تاریخ                             |
|----|-----------------------------------|-----------------------------------|
| 1. | شعبان: بولن عبادة<br>دان قغامقونن | 3 Mac 2023M/<br>10 Syaaban 1444H  |
| 2. | چینتا سوغشغ                       | 10 Mac 2023M/<br>17 Syaaban 1444H |
| 3. | ممرتبتکن وانیتا                   | 17 Mac 2023M/<br>24 Syaaban 1444H |
| 4. | اهلا یا رمضان                     | 24 Mac 2023M/<br>2 Ramadan 1444H  |
|    | خطبه کدوا                         |                                   |

دبیایای:



زکاة فولاو فینغ

دتریبتکن:



جابتن حال إحوال اگام اسلام فولاو فینغ



---

## ***Jawatankuasa Panel Semakan Teks Khutbah Negeri Pulau Pinang***

---

- 1. SS Dato' Seri Dr. Haji Wan Salim bin Wan Mohd Noor  
(Pengerusi)**  
Mufti Kerajaan Negeri Pulau Pinang
- 2. Y.Bhg Dato' Rosli bin Othman**  
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**  
Pensyarah, Pusat Pengajian Ilmu Kemanusiaan,  
Universiti Sains Malaysia
- 4. Ustaz Ahmad bin Hashim**  
Ketua Pusat Pengajian Tahfiz Al-Quran,  
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**  
Mantan Penyelaras Program Intervensi Kaunseling,  
Universiti Sains Malaysia
- 6. Ustaz Mohd Salmi bin Shaimi**  
Ahli Jawatankuasa Fatwa Negeri Pulau Pinang
- 7. Ustaz Subki bin Mohamed**  
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab  
(Setiausaha)**  
Ketua Penolong Pengarah, Bahagian Dakwah  
Jabatan Hal Ehwal Agama Islam Pulau Pinang (JHEAIPP)





## Memartabatkan Wanita

(17 Mac 2023M / 24 Sya'aban 1444H)

الْحَمْدُ لِلَّهِ الَّذِي لَا يَبْلُغُ مِدْحَتَهُ الْمَادِحُونَ ، وَلَا يُخْصِي نِعْمَاءَهُ الْعَادُّونَ .  
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ ، نِعَمَ الْمَوْلَى وَنِعَمَ النَّصِيرِ ،  
وَأَشْهَدُ أَنَّ نَبِيَّنَا مُحَمَّدًا عَبْدُهُ وَرَسُولُهُ ، الْهَادِي الْبَشِيرُ ، وَالسَّرَاجُ الْمُنِيرُ ،  
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ ،  
وَمَنْ تَبِعَهُمْ بِإِحْسَانٍ إِلَى يَوْمِ الْمَرْجِعِ وَالْمَصِيرِ .  
أَمَّا بَعْدُ فَاتَّقُوا اللَّهَ فِي النِّسَاءِ ، فَإِنَّكُمْ أَخَذْتُمُوهُنَّ بِأَمَانِ اللَّهِ ، وَاسْتَحْلَلْتُمُوهُنَّ  
بِكَلِمَةِ اللَّهِ .

### SIDANG JUMAAT YANG DIRAHMATI ALLAH SEKALIAN,

Hadirin sekalian, marilah bersama-sama meningkatkan ketakwaan kepada Allah **سُبْحَانَهُ وَتَعَالَى**, dengan melaksanakan suruhan-Nya dan meninggalkan larangan-Nya. Khatib juga ingin mengingatkan agar jemaah meninggalkan urusan dunia sebentar, pasangkan *mode* senyap pada telefon bimbit, tidak menggerakkan tabung kutipan Jumaat serta berikanlah sepenuh perhatian kepada khutbah ini. Jadikanlah khutbah ini sebagai panduan diri dan pengisian yang akan dibawa pulang kepada keluarga.

Hadirin yang dirahmati Allah. Sempena hari Wanita yang disambut pada bulan Mac, khatib akan membicarakan khutbah yang bertajuk: **“Memartabatkan Wanita.”**



## SIDANG JUMAAT YANG DIRAHMATI ALLAH SEKALIAN,

Jika kita imbas kembali pada zaman jahiliah, kita dapati kaum wanita dilayan dengan hina. Mereka tidak dihargai, ditindas dan dizalimi tanpa belas kasihan. Tubuh mereka diperdagangkan, hak terhadap diri mereka dirampas dan mereka dihalang daripada mewarisi harta pusaka. Lebih menyedihkan, ada anak-anak perempuan dibunuh kerana takut dipandang hina oleh masyarakat.

Wanita di Eropah pada abad ke-18 pula menjadi barang dagangan dan dinafikan hak dalam pendidikan serta pengurusan harta. Sehingga melahirkan kebangkitan gerakan *feminisme* menentang manipulasi wanita di Eropah.

Berdasarkan rekod sejarah setelah datangnya Islam, pemikiran kolot ini dihapuskan sama sekali. Islam mengubah pandangan manusia, dari merendahkan wanita kepada meninggikan martabat dan kedudukan mereka. Justeru, wanita layak dihormati, dan diberikan hak manusiawi. Pandangan semesta Islam juga memperlihatkan bahawa wanita dan lelaki adalah sama. Hanya takwa sahaja yang membezakan antara manusia. Hal ini sebagaimana dinyatakan pada ayat 13 surah Al Hujurat:

يَا أَيُّهَا النَّاسُ إِنَّا خَلَقْنَاكُمْ مِنْ ذَكَرٍ وَأُنْثَىٰ وَجَعَلْنَاكُمْ شُعُوبًا وَقَبَائِلَ لِتَعَارَفُوا إِنَّ أَكْرَمَكُمْ عِنْدَ اللَّهِ أَتْقَاكُمْ إِنَّ اللَّهَ عَلِيمٌ خَبِيرٌ ﴿١٣﴾

Maksudnya: “Wahai umat manusia! Sesungguhnya Kami telah menciptakan kamu dari lelaki dan perempuan, dan Kami telah menjadikan kamu pelbagai bangsa dan berpuak, supaya kamu berkenal-kenalan (dan beramah mesra antara satu dengan yang lain). Sesungguhnya semulia-mulia kamu di sisi Allah ialah orang yang lebih bertakwa di antara kamu. Sesungguhnya Allah maha mengetahui, lagi Maha mendalam pengetahuan-Nya (akan keadaan dan amalan kamu)”.

Islam juga mengharamkan pembunuhan anak perempuan, mengharamkan wanita didagangkan, malah mengharamkan wanita dikasari. Bagi yang memiliki anak perempuan, mereka ditawarkan



ganjaran yang amat berharga oleh Allah ﷺ sebagaimana sabda Rasulullah ﷺ yang bermaksud:

*“Sesiapa yang memiliki tiga anak perempuan, lalu dia bersabar dengan karenah, kesusahan dan kesenangan mereka, nescaya Allah ﷻ akan memasukkannya ke dalam syurga dengan kelebihan rahmat-Nya untuk mereka”. Seorang lelaki bertanya, “Juga untuk dua anak perempuan wahai Rasulullah?” sabda Baginda, “Juga untuk dua anak perempuan”. Seorang lelaki berkata, “Atau untuk seorang wahai Rasulullah?” Rasulullah ﷺ menjawab, “Juga untuk seorang.”*

(Hadis Riwayat Ahmad Dan Al Hakim)

## **SIDANG JUMAAT YANG DIRAHMATI ALLAH SEKALIAN,**

Kasihi dan lindungilah kaum wanita, terutamanya bagi wanita yang di bawah pelindungan kita. Hormati dan jagalah maruah mereka dan jangan mencemarinya kerana keseronokkan dunia. Binalah kaum wanita dengan ilmu dan benteng agama. Tegakkanlah benteng yang kukuh dalam diri mereka. Justeru, apa yang wajar kita lakukan, antaranya:

**Pertama:** Bentuklah sifat memelihara kehormatan diri (*iffah*) iaitu dengan menghindari perkara-perkara yang dilarang syarak.

**Kedua:** Gemburkanlah di dalam sanubari mereka rasa sayang dan hormat agar mereka tidak sanggup mencemarkan maruah dalam keadaan apa sekalipun.

**Ketiga:** Tanamlah sifat malu di dalam diri mereka supaya tidak mudah tunduk pada godaan syaitan dan nafsu.

Sabda Rasulullah ﷺ yang bermaksud:

*“Terdapat 99 bahagian tarikan pada wanita berbanding lelaki, lalu Allah kurniakan ke atas mereka sifat malu.”*



## HADIRIN SEKALIAN,

Dapat kita fahami bahawa, wanita itu penuh dengan daya tarikan, sehinggakan jika berbuat baik dikagumi dan apabila memakai pakaian menutup aurat dilihat menawan. Setiap tingkah laku yang dilakukan akan menjadi perhatian kaum Adam.

Oleh demikian, Allah ﷻ mengurniakan sifat malu sebagai benteng bagi kaum wanita. Dengan sifat ini seseorang wanita akan berfikir panjang untuk melakukan sesuatu tindakan. Adakah tindakannya akan membawa musibah atau rahmah.

Sekiranya anak-anak perempuan dan isteri serta saudara perempuan kita melampaui syarak, tegurlah dengan penuh hikmah. Janganlah biarkan mereka terus menerus melakukan perkara yang mengakibatkan jatuh atau terjunam menjadi bahan bakar api neraka. Sebagaimana firman Allah ﷻ, dalam surah At Tahrim ayat 6:

يَا أَيُّهَا الَّذِينَ ءَامَنُوا قُوا أَنْفُسَكُمْ وَأَهْلِيكُمْ نَارًا وَقُودُهَا النَّاسُ وَالْحِجَارَةُ عَلَيْهَا مَلَائِكَةٌ غِلَظٌ شِدَادٌ لَا يَعْصُونَ اللَّهَ مَا أَمَرَهُمْ وَيَفْعَلُونَ مَا يُؤْمَرُونَ ﴿٦﴾

Maksudnya: “Wahai orang-orang yang beriman! Peliharalah diri kamu dan keluarga kamu dari neraka yang bahan-bahan bakarnya, manusia dan batu (berhala), neraka itu dijaga dan dikawal oleh malaikat-malaikat yang keras kasar (layanannya), mereka tidak menderhaka kepada Allah dalam segala yang diperintahkan-Nya kepada mereka, dan mereka pula tetap melakukan segala yang diperintahkan.”

Perhatikan pakaian mereka, adakah menutup aurat dengan sempurna? Lihatlah kandungan *content* yang dimuat naik dalam media sosial mereka atau dalam kehidupan realiti harian, apakah boleh membawa fitnah? Sebagai ibu bapa atau waris, adalah berdosa sekiranya mendiamkan diri jika mereka melanggar hukum syarak. Justeru janganlah

dibiarkan mereka berlaku sedemikian. Ajarkan mereka agar menghormati diri sendiri, agama dan keluarga.

## **SIDANG JUMAAT YANG DIRAHMATI ALLAH SEKALIAN,**

Di bulan Ramadhan yang bakal menjelang tidak beberapa lama lagi, wanitalah yang akan menjadi insan paling sibuk dalam memastikan kesempurnaan rumahtangga. Maka hadirin sekalian terutama para suami dan ayah, hargailah wanita sementara mereka masih ada. Sesungguhnya Islam meletakkan nilai dan darjat yang tinggi pada seorang wanita, maka jangan direndahkan. Peliharalah mereka sebagaimana kehendak syarak. Kedudukan sosial seorang wanita bukan hanya terletak pada kerjaya sahaja, tetapi yang lebih penting adalah, harga diri dan maruah serta tingkah lakunya terpelihara.

Mengakhiri khutbah pada hari ini dapatlah dibuat beberapa kesimpulan bahawa:

**Pertama:** Wanita sangat dipandang tinggi dalam Islam dan bukanlah barang dagangan.

**Kedua:** Didik dan tanamlah sifat malu dalam diri seorang wanita, sama ada isteri, anak perempuan atau saudara perempuan kalian. Sifat malu menjadi benteng terbesar dalam memelihara maruah wanita.

**Ketiga:** Sentiasa memerhatikan adakah mereka menutup aurat dengan sempurna? Adakah mereka berkelakuan selari dengan syarak? Jika tidak, tegurlah dan bimbinglah mereka agar menjadi wanita Muslimah yang solehah.

Firman Allah **سُبْحَانَهُ وَتَعَالَى** dalam surah Al Anfal ayat 28:

**وَأَعْلَمُوا أَنَّمَا أَمْوَالُكُمْ وَأَوْلَادُكُمْ فِتْنَةٌ وَأَنَّ اللَّهَ عِنْدَهُ أَجْرٌ عَظِيمٌ ﴿٢٨﴾**

Maksudnya: *“Dan ketahuilah, bahawa hartamu dan anak-anakmu itu hanyalah sebagai cubaan dan sesungguhnya di sisi Allah lah pahala yang besar”.*



بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهِدْيِ سَيِّدِ الْمُرْسَلِينَ، أَقُولُ  
مَا سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ، فَاسْتَغْفِرُوهُ،  
إِنَّهُ هُوَ الْغَفُورُ الرَّحِيمُ.







## خطبة كدوا بولن مچ

2023M/ 1444H

الْحَمْدُ لِلَّهِ عَلَى آلَائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،  
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِسَانِهِ،  
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.  
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،  
وَزِنَةَ عَرْشِهِ وَمِدَادَ كَلِمَاتِهِ.  
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ  
وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا  
حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا

﴿الأحزاب: 56﴾

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ،  
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ  
إِلَى يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ  
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.

اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ  
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،



Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

*Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP). Semoga sumbangan 10% daripada hasil kutipan Tabung Jumaat mingguan dari setiap masjid kepada Tabung Wakaf yang telah ditubuhkan, menjadi saham yang berkekalan manfaatnya, di dunia dan akhirat.*

*Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat*



*menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara.*

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠١﴾ فَادْكُرُوا اللَّهَ الْجَلِيلَ يَذْكُرْكُمْ،  
وَاشْكُرُوا عَلَىٰ نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١٠٢﴾